

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 39. Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18), člana 8. stav (2) i člana 28. stav (2) Pravilnika o sistemima kvalitete za prehrambene proizvode ("Službeni glasnik BiH", broj 90/18), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine u saradnji sa nadležnim organima entiteta i Brčko Distrikta Bosne i Hercegovine, na vandrednoj sjednici održanoj 2. decembra 2019. godine, donijelo je

**ODLUKU  
O IMENOVANJU KOMISIJE ZA REGISTRACIJU  
OZNAKA PORIJEKLA, OZNAKA GEOGRAFSKOG  
PORIJEKLA I DODJELU OZNAKA GARANTIRANO  
TRADICIONALNOG SPECIJALITETA PREHRAMBENIH  
PROIZVODA U  
BOSNI I HERCEGOVINI**

Član 1.

(Predmet)

Ovom odlukom imenuje se Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini (u daljnjem tekstu: Komisija).

Član 2.

(Imenovanje)

- (1) U Komisiju se imenuju predstavnici sljedećih institucija:
  - a) Dragan Brenjo, Agencija za sigurnost hrane Bosne i Hercegovine - predsjednik,
  - b) Darko Basić, Federalno ministarstvo trgovine - član,
  - c) Dušanka Tegeltija, Ministarstvo trgovine i turizma Republike Srpske - član,
  - d) Jozo Veselić, Vlada Brčko Distrikta Bosne i Hercegovine, Odjeljenje za poljoprivredu, šumarstvo i vodoprivredu - član,
  - e) Edina Sijerčić, Federalno ministarstvo poljoprivrede, vodoprivrede i šumarstva - član,
  - f) Božana Vranješ, Ministarstvo poljoprivrede, šumarstva i vodoprivrede Republike Srpske - član,
  - g) Amir Lubovac, Ministarstvo vanjske trgovine i ekonomskih odnosa Bosne i Hercegovine - član.
- (2) Za tehničkog sekretara Komisije određuje se Maida Mujkić zaposlena u Agenciji za sigurnost hrane Bosne i Hercegovine.

Član 3.

(Mandat)

- (1) Komisija se imenuje na period od četiri godine.
- (2) Ukoliko član Komisije prestane da obavlja dužnost u navedenoj instituciji koja ga je predložila za svog predstavnika, njegov mandat u Komisiji prestaje, a navedena institucija dužna je u roku od 15 dana, predložiti Agenciji za sigurnost hrane Bosne i Hercegovine (u daljnjem tekstu: Agencija) imenovanje novog predstavnika.

Član 4.

(Nadležnost i rad)

- (1) Komisija obavlja poslove u skladu sa poslovima i zadacima određenim Pravilnikom o sistemima kvaliteta za prehrambene proizvode ("Službeni glasnik BiH", broj 90/18) (u daljnjem tekstu: Pravilnik), kao što su:
  - a) razmatra zahtjeve za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda i predlaže Agenciji donošenje rješenja o registraciji oznake;
  - b) razmatra pristigle prigovore,
  - c) predlaže dopunu zahtjeva za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda;
  - d) razmatra zahtjeve za naknadnu izmjenu i dopunu specifikacije prehrambenog proizvoda;
  - e) razmatra zahtjeve za pravo upotrebe registrirane oznake porijekla, oznake geografskog porijekla i garantirano tradicionalnog specijaliteta prehrambenog proizvoda.
- (2) Sva ostala pitanja koja su neophodna za rad Komisije uređuju se Poslovnikom o radu Komisije.
- (3) Sastanci Komisije održavaju se u službenim prostorijama Agencije u Mostaru.

Član 5.

(Naknada)

- (1) Članovi Komisije, imaju pravo na novčanu naknadu u iznosu od po 70,00 KM po okončanom postupku zaštite oznaka porijekla ili zaštite oznaka geografskog porijekla ili zaštite oznaka garantirano tradicionalnog specijaliteta prehrambenih proizvoda, a tehnički sekretar Komisije u iznosu od 35,00 KM po okončanom postupku, pod uslovom da su isti učestvovali u provođenju postupka.
- (2) Mjesečna naknada za rad u Komisiji može iznositi maksimalno do visine osnovice za obračun plate zaposlenim u institucijama Bosne i Hercegovine.
- (3) Naknada za rad isplaćuje se uz primjenu ograničenja propisanih članom 39. st. (3), (4) i (5) Zakona o plaćama i naknadama u institucijama BiH ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15 i 88/15).
- (4) Član Komisije ostvaruje pravo na naknadu za rad, u skladu sa odredbama ove odluke, u periodu mandata na koji je isti imenovan.
- (5) Član Komisije ima pravo na naknadu troškova prevoza za dane kada prisustvuje sastancima Komisije izvan mjesta prebivališta, obračunatu na osnovu vrijednosti pojedinačne karte na relaciji: mjesto prebivališta člana Komisije - mjesto održavanja sastanka, utvrđenoj linijskim prevozom.
- (6) Član Komisije nema pravo na naknadu iz stava (5) ovog člana u slučaju kada za dolazak na sjednicu Komisije koristi službeno vozilo institucije u kojoj ima regulisan radno-pravni status.
- (7) Isplata naknade se vrši na osnovu obračuna koje sačinjava i potpisuje Komisija.
- (8) Sredstva za naknadu osiguravaju se u budžetu Agencije.

Član 6.

(Izvještavanje)

- (1) Komisija podnosi godišnji izvještaj o svom radu i stanju u oblasti iz svoje nadležnosti direktoru Agencije koji ga dostavlja Vijeću ministara Bosne i Hercegovine na usvajanje.

- (2) Komisija podnosi posebne izvještaje prema potrebi, i na zahtjev Vijeća ministara Bosne i Hercegovine.

Član 7.

(Prestanak važenja)

Stupanjem na snagu ove odluke, prestaje da važi Odluka o osnivanju Komisije za registraciju oznaka originalnosti i oznaka geografskog porijekla prehrambenih proizvoda u Bosni i Hercegovini ("Službeni glasnik BiH", broj 68/12).

Član 8.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 176/19  
2. decembra 2019. godine  
Sarajevo

Predsjedavajući  
Vijeća ministara BiH  
Dr. **Denis Zvizdić**, s. r.

---